

Oifigeach Áiseanna
(Bainisteoir Fáilteachais)
(Cléireach Oibreacha Sinsearach)

Ard-Mhúsaem na hÉireann

LEABHRÁN EOLAIS

Tá **Ard-Mhúsaem na hÉireann (AMÉ)** ag lorg iarratas ó iarrthóirí oiriúnacha chun an post seo a leanas a líonadh: **Oifigeach Áiseanna (Bainisteoir Fáilteachais) (Cléireach Oibreacha Sinsearach)** in Ard-Mhúsaem na hÉireann. Is post lánaimseartha ar chonradh buan an post seo agus líonfar é trí agallaimh iomaíocha oscailte.

Teideal an Phoist

Oifigeach Áiseanna (Bainisteoir Fáilteachais) (Cléireach Oibreacha Sinsearach)

Láthair

Beidh an sealbhóir poist lonnaithe in Ard-Mhúsaem na hÉireann - Saol na Tuaithe, Páirc an Turlaigh, Caisleán an Bharraigh, Co. Mhaigh Eo nó in aon láithreán eile de chuid Ard-Mhúsaem na hÉireann (AMÉ) de réir mar a ainmneofar ó am go cheile ag an Stiúrthóir le haghaidh dualgais a chur i bhfeidhm. D'fheadfadh sé go mbeadh ar an Oifigeach Áiseanna, Rannán Bhéaloideas na hÉireann taisteal go láithreáin ar bith de chuid an Mhúsaem.

Ag obair faoi

Beidh an sealbhóir poist ag obair faoin gCeann Eastát

Cuspóir an Phoist

Na Leas-Bhainisteoirí Fáilteachais agus foirne Oifigigh Cuairteoirí agus Slándála a stiúradh, a threorú, a bhainistiú agus tacú leo eispéireas na gcuairteoirí a sholáthar. Comhoibriú leis an bhfoireann Eastát agus rannáin AMÉ eile chun tionscadail, cláir, beartais agus nósanna imeachta eile de chuid AMÉ a chur chun cinn agus a chur i bhfeidhm.

Dualgais agus Freagrachtaí

Dualgais agus príomhghníomhaíochtaí

Stiúrann, treoraíonn agus bainistíonn an duine sa ról seo foireann de bheirt Leas-Bhainisteoirí Fáilteachais agus ochtar Oifigeach Cuairteoirí agus Slándála. Díríonn an ról seo ar na foirne a fhorbairt maidir le heispéireas na gcuairteoirí a sholáthar.

Tá an ról lárnach do chomhoibriú agus do bhainistíocht na ngníomhaíochtaí ag an láithreán. Go háirithe ach gan a bheith teoranta do na rudaí seo a leanas, bainistíocht imeachtaí (imeachtaí oideachais agus corparáideacha), Gníomhaíocht saoráidí (sláinte agus sábháilteacht, cothabháil, slándáil, agus inbhuanaitheacht)

Comhoibriú le Leas-Bhainisteoirí Fáilteachais agus foirne Oifigigh Cuairteoirí agus Slándála:

- A chinntiú go soláthraítear an fhoireann chuí ag spásanna gailearaithe/poiblí agus go n-oibríonn na hoibríochtaí gan stró
- Oiliúint a fhorbairt, a fháil agus a chur i bhfeidhm agus tacú le cláir d'fhoirne fáilteachais a sholáthraíonn eispéireas na gcuairteoirí.
- Tacú le foirne agus baill foirne agus oiliúint a chur orthu
- Bheith i gceannas ar thionscnaimh athraithe a chur i bhfeidhm sa rannán Eastát.

Comhoibriú leis an bhfoireann Eastát níos leithne (Saoraidí, Sláinte agus Sábháilteacht, Ceannach, Slándáil agus Inbhuanaitheacht) chun:

- A chinntiú go bhfuil baill foirne oílte ar oibriú trealaimh, córas agus nósanna imeachta maidir le sláinte agus sábháilteacht agus slándáil agus cothabháil.
- Comhairle a thabhairt do phearsana Eastát ábhartha faoi shaincheisteanna gnó agus oibríochtúla de réir mar is cuí.
- Teagmháil a dhéanamh le soláthraithe seirbhíse seachtracha m.sh. Oifig Oibreacha Poiblí, Comhairle Contae Mhaigh Eo de réir mar is cuí.

Comhoibriú le rannáin eile de chuid AMÉ chun:

- Gníomhaíochtaí ar an láithreán a chomhordú agus a bhainistiú
- Cathaoirleacht a dhéanamh ar chumarsáid tras-rannach gach seachtain ag an láithreán.
- Tionscadail agus imeachtaí a chur chun cinn in AMÉ

Comhoibriú leis an bhfoireann bainistíochta líne chun:

- Cur le beartas, nósanna imeachta agus dea-chleachtas a fhorbairt maidir le heispéireas na gcuairteoirí.

Córais agus nósanna imeachta

- Sceidil, córais agus uainchláir foirne a fhorbairt agus a chur i bhfeidhm.
- Maoirseacht a dhéanamh ar oibríocht na gcóras bainistíochta idirbheart, mar shampla:
 - A chinntiú go bhfuil uainchláir/sceidil i bhfeidhm
 - A chinntiú go bhfuil an fhoireann ag baint úsáid as uainchláir/sceidil
 - A chinntiú go ndéantar taifead ar shaoire bhliantúil agus ar shaoire bhreuiteachta ar na córais ábhartha m.sh. ONSC.

Forbairt Phearsanta

- Riachtanais maidir le hoiliúint phearsanta agus forbairt scileanna a aithint agus dul i ngleic leo.

Sonraíocht Phearsanta

Bunriachtanais

- Taithí ar fhoireann a threorú, a stiúradh agus a bhainistiú agus ar sheirbhísí cuairteoirí/custaiméirí a sholáthar do réimse leathan custaiméirí a bhfuil riachtanais éagsúla acu;
- Taithí ar uainchláir agus sceidil oibre a fhorbairt agus a chur i bhfeidhm;
- Taithí ar bheith ag obair go héifeachtach mar bhall foirne;
- Scileanna cumarsáide den scoth, scríofa agus ó bhéil;
- Taithí ar agus cumas cásanna deacra agus dúshlánacha a bhainistiú go héifeachtach;
- Tiomantas don fhorbairt phearsanta a bheith acu, agus toilteanas oiliúint a dhéanamh agus scileanna nua a ghnóthú;
- Cur chuige solúbtha maidir leis an obair;
- Oiriúnach ó thaobh a c(h)arachtair de;
- Go hiomlán inniúil agus ar fáil chun tabhairt faoi na dualgais a bhaineann leis an bpost;
- Deimhniú CETR (Ceadúnas Eorpach Tiomána Ríomhairí) nó a choibhéis i seilbh aige/aici.

Tá na cáilíochtaí seo a leanas inmhianaithe (ach níl siad bunriachtanach)

- Taithí ar sheirbhísí do chuairteoirí a bhainistiú san earnáil chultúrtha;
- Líofacht sa Ghaeilge

Próiseas Roghnúcháin

Sa chás go bhfaightear líon iarratas a sháraíonn go mór an líon is gá chun na folúntais atá ann cheana agus a mheastar a bheidh ann amach anseo a líonadh thar shaolré an phainéil, féadfaidh Ard-Mhúsaem na hÉireann próiseas gearrliostaithe a chur i bhfeidhm chun líon iarrthóirí a roghnú a dtabharfar cuireadh chun agallaimh dóibh ar bhunús na faisnéise atá ina n-iarratais. Ní hionann sin is a rá go bhfuil iarrthóirí eile mí-oiriúnach nó nach mbeadh sé ar a gcumas an post a chomhlíonadh, ach go bhfuil roinnt iarrthóirí ann ar bhonn an eolais a cuireadh ar fáil, cáilithe níos fearr, agus/nó a bhfuil níos mó taithí ábhartha acu.

Ní aisíocann Ard-Mhúsaem na hÉireann costas taistil chuig agallamh.

Riachtanais Saoránachta

Ní mór d'iarrthóirí incháilithe a bheith ina:

- (a) Saoránach den Limistéar Eorpach Eacnamaíoch. Tá LEE comhdhéanta de Bhallstáit an Aontais Eorpaigh, an Íoslainn, Lichtinstéin agus an Iorua; nó
- (b) ina saoránaigh den Eilvéis de bhun an chomhaontaithe idir AE agus an Eilvéis maidir le saorghluaiseacht daoine; nó
- (c) ina saoránaigh nach saoránaigh LEE iad ach ar céile nó leanbh de chuid saoránach LEE nó na hEilvéise iad agus a bhfuil víosa stampa 4 acu; nó
- (d) Duine ar ar dámhadh cosaint idirnáisiúnta faoin Acht um Chosaint Idirnáisiúnta 2015 nó aon bhall teaghlaigh atá i dteideal fanacht sa Stát mar thoradh ar athaontú teaghlaigh agus a bhfuil víosa stampa 4 aige nó aici; nó
- (e) Duine nach saoránach LEE é ar tuismitheoir linbh chleithiúnaigh é atá ina shaoránach LEE, agus a chónaíonn i mballstát LEE nó san Eilvéis agus a bhfuil víosa stampa 4 aige nó aici.

Chun bheith incháilithe ní mór d'iarrthóirí ceann de na critéir shaoránachta thuasluaite a chomhlíonadh faoin dáta a ndéantar aon tairiscint poist.

Nóta maidir le saoránaigh RA: Deimhníodh sa chaibidlíocht faoin Bhreathimeacht idir AE agus RA a tugadh chun críche le déanaí nach bhfuil aon athrú ar an gComhaontú um Chomhlíonadh Taistil a bhí ann le fada idir RA agus Éire tar éis na Breathimeachta. Dá réir sin, tá saoránaigh RA fós i dteideal oibriú agus cónaí in Éirinn gan srian agus, mar sin, tá siad i dteideal iarratas a dhéanamh chun dul san iomaíocht sa chomórtas seo má chomhlíonann siad na critéir cháilitheachta eile go léir. Tá tuilleadh faisnéise maidir leis an gComhlíonadh Taistil ar fáil [anseo](#).

Scéim Dreasaíthe um Luathscor (ISER):

Tá sé mar choinníoll den Scéim Dreasaíthe um Luathscor (ISER) mar atá leagtha amach i gCiorclán 12/09 na Roinne Airgeadais go bhfuil cosc ar dhaoine atá ar scor, faoin Scéim, iarratas a dhéanamh ar phost eile san fhostaíocht chéanna nó san earnáil chéanna. Mar sin, ní fhéadfaidh a leithéid de dhaoine a chuaigh ar scor cur isteach ar an bpost seo.

Ciorclán na Roinne Sláinte agus Leanaí (7/2010):

Thug Ciorclán na Roinne Sláinte 7/2010 dar dáta an 1 Samhain 2010 isteach Scéim Spriocdhírithí um Luathscor Deonach (VER) agus Scéimeanna Iomarcaíochta Deonacha

(VRS). Is coinníoll den scéim VER é nach mbeidh daoine a bhaineann leas as an scéim i dteideal a bheith athfhostaithe san earnáil sláinte poiblí nó sa tSeirbhís Phoiblí níos leithne nó i gcomhlacht atá maoinithe go hiomlán nó go príomha ó chistí poiblí. Tá feidhm ag an toirmeasc céanna ar athfhostú faoin VRS, ach amháin go bhfuil an toirmeasc ar feadh tréimhse 7 mbliana i gceist, agus ina dhiaidh sin beidh gá le ceadú an Aire Caiteachais Phoiblí agus Athchóirithe a fháil d'aon athfhostú. Níl daoine a bhain leas as ceachtar den dá scéim sin i dteideal dul san iomaíocht sa chomórtas seo.

Comhaontú Comhchoiteann: Íocaíochtaí Iomarcaíochta le Seirbhísigh Phoiblí:

Thug litir na Roinne Caiteachais Phoiblí agus Athchóirithe dar dáta an 28 Meitheamh 2012 chuig Oifigigh Pearsanra isteach, le héifeacht ón 1 Meitheamh 2012, Comhaontú Comhchoiteann ar thángthas air idir an Roinn Caiteachais Phoiblí agus Athchóirithe agus Coiste Seirbhísí Poiblí Chomhar Ceardchumann na hÉireann (ICTU) maidir le Íocaíochtaí Iomarcaíochta ex-gratia le Seirbhísigh Phoiblí go mbeidh sé mar choinníoll den Chomhaontú Comhchoiteann nach mbeidh daoine a bhaineann leas as an gcomhaontú sin incháilithe lena n-athfhostú sa tseirbhís poiblí ag aon chomhlacht seirbhíse poiblí (mar atá sainmhínithe sna hAchtanna um Bearta Airgeadais Éigeandála ar Mhaithe le Leas an Phobail 2009 – 2011) ar feadh tréimhse 2 bhliana ó fhoirceannadh na fostaíochta. Ina dhiaidh sin beidh toiliú an Aire Caiteachais Phoiblí agus Athchóirithe ag teastáil roimh aon athfhostú. Beidh ar dhaoine a bhain leas as an scéim seo agus a d'fhéadfadh an rath a bheith orthu sa chomórtas seo a n-incháilitheacht a chruthú (deireadh na tréimhse neamh-incháilitheachta) agus ní mór toiliú an Aire a fháil sula bhfostaítear iad in aon chomhlacht seirbhíse poiblí.

Dearbhú: Ceanglófar ar iarratasóirí a dhearbhu ar bhain siad leas as scéim dreasachta luathscoir na seirbhíse poiblí roimhe sin nó nár bhain. Ceanglófar ar iarratasóirí freisin aon teidlíochtaí atá acu i leith sochar pinsin seirbhíse poiblí (in íocaíocht nó caomhnaithe) ó aon fhostaíocht seirbhíse poiblí eile a dhearbhu agus/nó i gcás ina bhfuil íocaíocht in ionad faighte acu i leith seirbhíse in aon fhostaíocht sa tseirbhís poiblí.

TREORACHA AN IARRATAIS

Cuirtear iarratais isteach ar an gcuid folúntas de **shuíomh gréasáin Ard-Mhúsaem na hÉireann**: <https://www.museum.ie/en-IE/About/Careers/Vacancies>

Ní mór d'iarrthóirí an fhoirm iarratais chríochnaithe (Aguisín 4), CV suas chun dáta, agus litir chumhdaigh a chur isteach. **Iarraimid ar iarrthóirí go gcuirtear na trí cáipéis ar fad le chéile agus iad a chur isteach ar PDF aonair amháin.**

Ní mór don fhoirm iarratais a líonadh isteach go hiomlán agus í a chur isteach i gclóscríbhinn. Ní ghlacfar le hiarratais lámhscríofa agus iarratais atá san fhormáid mhícheart. Mura ndéanann tú amhlaidh, beidh an t-iarratas neamhiomlán, agus ní bhreithneofar é.

Chun tús a chur leis an bpróiseas iarratais, tabhair cuairt ar ár leathanach [Folúntais](#).

Céimeanna le clárú:

- Téigh go dtí an leathanach Folúntais agus roghnaigh an post atá tú ag iarraidh cur isteach air.
- Léigh an Leabhrán Eolais le haghaidh sonraí iomlána maidir leis an bpost.
- Tá na cáipéisí atá ag teastáil le feiceáil ar an leathanach sin mar naisc.
- Cliceáil gach cáipéis, agus osclóidh sé i bhfuinneog nua. Déan gach cáipéis a íoslódáil/shábháil ar do ríomhaire/ghléas.
- Líon amach na cáipéisí atá ag teastáil agus cuir le chéile iad i **PDF aonair amháin** le do CV agus litir chumhdaigh.
- Nuair atá sé sin críochnaithe, téigh ar ais go dtí suíomh gréasáin AMÉ chun an próiseas iarratais a chur i gcrích.
- Arís, ón leathanach [Folúntais](#), aimsigh an post atá tú ag iarraidh cur isteach air.
- Cliceáil an cnaipe **Cuir Isteach Air Anois**.
- Cuir an fhoirm i gcrích.
- Déan do PDF comhcheangailte aonair a uaslódáil.
- Déan an seiceáil Captcha a chríochnú agus cliceáil **Cuir Isteach d'Iarratas**.

Cuir **ríomhphost bailí a dhéantar monatóireacht air** ar fáil. Úsáidfear an ríomhphost mar admháil ar d'iarratas agus mar phríomhbhealach teagmhála chun teagmháil a dhéanamh le hiarrthóirí.

Spriocdháta le haghaidh Iarratais
Ní mór iarratais a fháil tráth nach déanaí ná 17:00
Dé hAoine, an 18 Iúil 2025

Ní ghlacfar le foirmeacha iarratais déanacha. Cloífead leis an dáta agus an t-am go dian, agus dá bhrí sin, tá an fhreagracht ar an iarrthóir a chinntiú go bhfaightear an t-iarratas roimh an spriocdháta. **Beidh dícháiliú ina thoradh ar chanbhasáil.**

Cléireach Oibreacha Sinsearach

Príomhchoinníollacha seirbhíse

Pá:

Seo a leanas an scála tuarastail don phost seo: Cléireach Oibreacha Sinsearach ar an Scála RPP (Comhaontú Seirbhíse Poiblí 2024-2026 – an 01 Márta 2025 – 2% nó €1,000, cibé acu is mó)

€53,987	€55,775	€57,600	€59,428	€61,289	€63,145	€64,581	€66,002
1	2	3	4	5		6	7

Faoi réir feidhmíocht shásúil, d'fhéadfadh sé go mbeadh incrimintí iníoctha de réir Bheartas reatha an Rialtais.

* Tar éis 3 bliana de sheirbhís shásúil ar phá uasta

**Tar éis 6 bliana de sheirbhís shásúil ar phá uasta

Tuarastal Tosaigh

Iontrálfar ag íosmhéid an scála - **€53,987** in aghaidh na bliana, an chéad phointe ar an Scála RPP do Chléireach Oibreacha Sinsearach (Comhaontú Seirbhíse Poiblí 2024-2026 – an 01 Márta 2025 – 2% nó €1,000, cibé acu is mó). Féadfar an ráta luach saothair a choigeartú ó am go chéile de réir bheartas pá an Rialtais.

Fad na Fostaíochta

Beidh conradh ar fhad éiginnte ag baint leis an gceapachán seo, rud a bhraithfidh ar an gcáilíocht promhaidh ar feadh tréimhse **bliana**. Féadfaidh ceachtar taobh an ceapachán a fhoirceannadh tráth ar bith de réir na nAchtanna um Fhógra Íosta agus Téarmaí Fostaíochta, 1973 agus 1991.

Saoire bhliantúil

Beidh **26** lá oibre ann mar shaoire bhliantúil sa bhliain. Méadófar é sin go 27 lá sa bhliain tar éis 5 bliana seirbhíse agus go 29 lá sa bhliain tar éis 10 mbliana seirbhíse. Tá an tsaoire seo bunaithe ar sheachtain cúig lá agus ní áirítear léi na gnáth-laethanta saoire poiblí.

Uaireanta Tinrimh

Socrófar uaireanta tinrimh ó am go chéile de réir comhaontuithe lárnacha ach ní bheidh siad níos lú ná 43.25 uair an chloig comhlán in aghaidh na seachtaine (35 ghlanuair an chloig in aghaidh na seachtaine). Nuair is gá freastal breise a dhéanamh, ceadófar íocaíochtaí ragoibre,

nó am saor in ionad, de réir rialacháin ragoibre na státseirbhíse. Tá uaireanta solúbtha oibre i gceist a thagann le polasaí Ard-Mhúsaem na hÉireann maidir le uaireanta solúbtha oibre.

Aontóidh tú chun comhoibriú d'fhonn cuidiú le AMÉ taifead cruinn a choinneáil ar do chuid uaireanta oibre ar mhaithe le *hAlt 25 d'Acht um Eagrú Am Oibre, 1997*.

Dualgais

Beidh ort aon dualgas a shannfar duit ó am go ham a chomhlíonadh de réir mar is cuí don phost. Beidh an post lánaimseartha agus ní bheidh baint agat le haon ghnó seachtrach a chuirfeadh isteach ar chomhlíonadh dualgas oifigiúil. Aontaíonn tú chun tabhairt faoi na dualgais a ghabhann leis an bpost agus chun glacadh leis na coinníollacha faoina gcomhlíontar na dualgais, nó faoina bhféadfadh sé a bheith riachtanach iad a chomhlíonadh.

Ginearálta

Tá an ceapachán faoi réir Achtanna Rialaithe na Státseirbhíse, 1956 go 1996, an tAcht um Bainistíocht na Seirbhíse Poiblí (Earcaíocht agus Ceapacháin) 2004 agus aon Acht eile atá i bhfeidhm faoi láthair a bhaineann leis an státseirbhís. Beidh an té a cheapfar faoi réir bheartais an Ard-Mhúsaem maidir leis an gCód Caighdeán agus Iompair.

Aoisliúntas agus Scor

Déanfar na téarmaí agus coinníollacha aoisliúntais cuí mar atá in Ard-Mhúsaem na hÉireann a thairiscint don iarrthóir rathúil nuair a thairgfear an ceapachán. Go ginearálta, agus seachas i gcás iarrthóirí a d'oibrigh i bpost seirbhíse poiblí inphinsin (nár bhain téarmaí na scéime aonair leis) sna 26 seachtainí roimh an gceapachán (féach alt d thíos), ciallaíonn sé sin go ndéanfar ceapachán a thairiscint dóibh bunaithe ar bhallraíocht den Scéim Pinsin Seirbhíse Poiblí Aonair ("An Scéim Aonair"). Is iad seo a leanas na príomhfhórála a bhaineann le ballraíocht na Scéime Aonair:

a. Aois Inphinsin

Is í an aois íosta dá bhfuil pinsean iníoctha ná 66 (ag éirí go 67 agus 68) ag teacht le hathruithe ar aois an Phinsin Stáit.

b. Aois Scoir:

Ní mór do chomhaltaí na scéime dul ar scor nuair a bheidh siad 70 bliain d'aois.

c. Laghdú Pinsin

- Más rud é go raibh an té a cheapfar fostaithe sa Státseirbhís roimhe seo agus go bhfuil sé ag fáil pinsin ón Státseirbhís beidh feidhm ag gnáthrialacha faoi laghduithe. Mar sin féin, má bhí an té a cheapfar fostaithe sa Státseirbhís roimhe sin agus más rud é gur bronnadh pinsean air faoi shocrúithe luathscoir deonacha (seachas faoin Scéim Dreasachta Luathscoir (ISER) nó Ciorclán na Roinne Sláinte 7/2010 VER/VRS, mar a tugadh le fios thuas rud a fhágann nach bhfuil duine incháilithe don chomórtas) cuirfear deireadh leis an teidlíocht don phinsean sin le héifeacht ó dháta an athcheaptha. Déanfar socruithe speisialta, áfach, chun seirbhís roimhe sin a thug an té a cheapfar a ríomh

chun críche aon dámhachtain aoisliúntais amach anseo a bhféadfadh an té a cheapfar a bheith incháilithe ina leith.

- Má bhí an té a cheapfar fostaithe roimhe seo sa Státseirbhís nó sa tSeirbhís Phoiblí tabhair faoi deara go bhfuil foráil san Acht um Pinsin na Seirbhíse Poiblí (Scéim Aonair agus Forálacha Eile), 2012 lena leathnaítear laghdú pinsin do gach Státseirbhíseach agus Seirbhíseach Poiblí atá athfhostaithe sa chás go bhfuil pinsean Seirbhíse Poiblí á íoc. Tháinig an fhoráil seo chun laghdú a chur i bhfeidhm ar fud na seirbhíse poiblí níos leithne i bhfeidhm an 1 Samhain 2012. **D'fhéadfadh impleachtaí pinsin a bheith aige seo d'aon duine a cheapfar sa phost seo atá ag fáil pinsean Státseirbhíse nó Seirbhíse Poiblí faoi láthair nó a bhfuil pinsean caomhnaithe Sibhialta nó Seirbhíse Poiblí aige a bheidh infoctha le linn a fhostaíochta sa phost seo.**
- **Ciorclán 102/2007 de chuid na Roinne Oideachais agus Scileanna faoin Scéim Luathscoir do Mhúinteoirí**
Thug an Roinn Oideachais agus Scileanna isteach Scéim Luathscoir do Mhúinteoirí. Is coinníoll den Scéim Luathscoir é, seachas na cásanna atá leagtha amach in Alt 10.2 agus in Alt 10.3 de cháipéisíocht ábhartha an chiorcláin, agus leis na heisceachtaí sin amháin, má ghlacann múinteoir le luathscor faoi **Shnáitheanna 1, 2 nó 3** den scéim seo agus go bhfuil sé fostaithe ina dhiaidh sin in aon cháil in aon chuid den earnáil phoiblí, **scorfáir láithreach** d'íocaíocht pinsin leis an duine sin faoin scéim. Athchromfar ar íocaíochtaí pinsin, áfach, ar scor den fhostaíocht sin nó ar 60ú breithlá an duine sin, cibé acu is déanaí, ach ar atosú, beidh an pinsean bunaithe ar sheirbhís ináirithe iarbhair an duine mar mhúinteoir (i.e. ní chuirfear na blianta breise a tugadh roimhe sin san áireamh agus íocaíocht an phinsin á ríomh).
- **Dul ar Scor de thoradh Drochshláinte.** Tabhair do d'aire sa chás go bhfuil duine ar scor ó chomhlacht Státseirbhíse/Seirbhíse Poiblí ar fhorais drochshláinte go bhféadfadh a phinsean ón bhfostaíocht sin a bheith faoi réir athbhreithnithe de réir na rialacha um scor de bharr drochshláinte laistigh de scéim phinsin na fostaíochta sin.

d. Seirbhísigh Phoiblí roimhe seo

Cé gurb é ballraíocht sa Scéim Aonair atá sna téarmaí réamhshocraithe pinsin atá leagtha amach sna hailt roimhe seo, ach b'fhéidir nach mbeidh sé seo i gceist i gcás daoine áirithe a cheapfar. Tugtar sonraí iomlána na gcoinníollacha a rialaíonn cibé acu an bhfuil nó nach bhfuil seirbhíseach poiblí ina bhall den Scéim Aonair san Acht um Pinsin na Seirbhíse Poiblí (Scéim Aonair agus Forálacha eile), 2012. Mar sin féin is í an phríomheisceacht (i gcomhthéacs an chomórtais seo agus go ginearálta) ná maidir le **hiarrthóir rathúil a d'oibrigh i gcáil inphinsin (nach raibh faoi théarmaí na scéime aonair) sa tseirbhís phoiblí laistigh de 26 seachtain ón am ar ghlac an t-iarrthóir leis an gceapacháin nach mbeadh an té sin ina bhall den Scéim Aonair de ghnáth.** Sa chás sin, thairgfí ballraíocht sa scéim pinsin do státseirbhísigh neamhbhunaithe ("Scéim Fostaithe Stáit Neamhbhunaithe") d'iarrthóir dá leithéid. Chiallóidh sé seo go mbeadh feidhm ag na forálacha lacáiste ag (c) thuas, agus ina theannta sin, bheadh impleachtaí ann maidir le fabhrú pinsin mar atá leagtha amach thíos:

e. Fabhrú Pinsin

Bheadh teorainn 40 bliain i bhfeidhm maidir leis an tseirbhís iomlán ar féidir a áireamh i leith pinsin i gcás go raibh duine ina bhall de níos mó ná scéim pinsin seirbhíse poiblí amháin. Tháinig an teorainn 40 bliain seo, dá bhforáiltear san Acht um Pinsin na Seirbhíse Poiblí (Scéim Aonair agus Forálacha eile), 2012 i bhfeidhm ar an 28 Iúil 2012. **D'fhéadfadh impleachtaí a bheith aige seo d'aon duine a cheapfar a thuill cearta pinsin i bhfostaíocht seirbhíse poiblí roimhe seo.**

f. Asbhaint a Bhaineann le Pinsean

Tá an ceapachán seo faoi réir na hasbhainte a bhaineann le pinsin de réir an Achta um Bearta Airgeadais Éigeandála ar mhaithe le Leas an Phobail 2009. Le haghaidh tuilleadh faisnéise faoin Scéim Pinsin Seirbhíse Poiblí Aonair do Sheirbhísigh Phoiblí féach ar an suíomh Gréasáin seo a leanas: <http://www.per.gov.ie/pensions>

Saoire bhreuiteachta

Féadfar pá iomlán a cheadú nuair a bhíonn duine as láthair de bharr breuiteachta ach é sin a bheith deimhnithe i gceart, ar choinníoll nach bhfuil aon fhianaise ann faoi mhíchumas buan maidir le seirbhís, agus is féidir é a cheadú suas go dtí 92 lá ar a mhéid in aon bhliain amháin agus ar leathphá ina dhiaidh sin, faoi réir 183 lá saoire bhreuiteachta ar a mhéid a bheith ann in aon tréimhse ceithre bliana nó níos lú.

Ceanglófar ar an té a cheapfar mandáid a shíniú ag údarú don Roinn Coimirce Sóisialaí aon sochair atá dlite faoi na hAchtanna Leasa Shóisialaigh a íoc go díreach le hArd-Mhúsaem na hÉireann agus beidh íocaíocht le linn breuiteachta faoi réir ag an oifigeach na héilimh riachtanacha a dhéanamh ar shochar árachais shóisialaigh chuig an Roinn Coimirce Sóisialaí laistigh de na teorainneacha riachtanacha ama.

Rúndacht oifigiúil agus sláine

Beidh an té a cheapfar faoi réir fhorálacha an Achta um Rúin Oifigiúla 1963, arna leasú leis an Acht um Shaoráil Faisnéise 1997. Aontóidh an té a cheapfar gan aon fhaisnéis rúnda a nochtadh do thríú páirtithe go háirithe faisnéis a bhfuil acmhainneacht tráchtála ag baint léi, le linn na tréimhse fostaíochta nó ina diaidh.

Réamhcheadú maidir le foilsíú

Aontóidh an té a cheapfar gan ábhar a bhaineann le dualgais oifigiúla a fhoilsíú gan cead a fháil roimh ré ó Stiúrthóir Ard-Mhúsaem na hÉireann.

Gníomhaíocht pholaitiúil

Le linn an téarma fostaíochta, beidh an té a cheapfar faoi réir na rialacha a rialaíonn státseirbhísigh agus polaitíocht.

Tuilleadh sonraí

Tá forálacha mionsonraithe maidir le téarmaí agus coinníollacha éagsúla eile, amhail catagóirí saoire (lena n-áirítear saoire mháithreachais, uchtála agus sláinte agus sábháilteachta), cuid acu

nó gach ceann díobh a d'fhéadfadh a bheith ábhartha don duine a cheapfar, leagtha amach i gclár atá ar fáil ar www.personnelcode.gov.ie.

Is mar threoir amháin atá sé seo ceaptha. Eiseofar téarmaí agus coinníollacha iomlána mar chuid den chonradh fostaíochta.